



REPUBLIKA E SHQIPËRISË
KOMISIONI QENDROR I ZGJEDHJEVE

Komisioneri Shtetëror i Zgjedhjeve

Data: 08.02.2023

Nr: 42

Ora: 11.00

VENDIM

PËR

**SHQYRTIMIN E REZULTATIT TË VERIFIKIMIT TË PROKURORIT TË PËRGJITHSHËM PËR
SUBJEKTIN VETËDEKLARUES Z. ARBËR IDRIZ ARIFAJ, KANDIDAT PËR DEPUTET I PROPOZUAR
NGA PARTIA LËVIZJA SOCIALISTE PËR INTEGRIM, QARKU KUKËS**

Sot më datë 08. 02. 2023, unë Komisioneri Shtetëror i Zgjedhjeve, në seancë publike shqyrtova çështjen me:

Objekt: Shqyrtimi i rezultatit të verifikimit të Prokurorit të Përgjithshëm për subjektin vetëdeklarues Z. Arbër Idriz Arifaj, kandidat i propozuar për deputet nga Partia Lëvizja Socialiste për Integrim, qarku Kukës, në zbatim të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”.

Palë të interesuara: Z. Arbër Idriz Arifaj, kandidat i propozuar për deputet nga Partia Lëvizja Socialiste për Integrim, qarku Kukës, për zgjedhjet për Kuvendin e Shqipërisë të datës 25 Prill 2021.

Baza ligjore: Nenet 19, pikat 1, shkronja “n” e 2 të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, nenet 90 dhe 95 të ligjit nr. 44/2015, “Kodi i Procedurave Administrative”, ligji nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, pikat 12 dhe 13 të Kreut V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”,

Data: 08.02.2023 Nr: 42
Ora: 11.00



Për shqyrtimin e rezultatit të verifikimit të Prokurorit të Përgjithshëm për subjektin vetëdeklarues Z. Arbër Idriz Arifaj, kandidat për deputet i Partisë Lëvizja Socialiste për Integrim, Qarku Kukës

Në përfundim të shqyrtimit administrativ,

VËREJ:

I.

Në zbatim të ligjit nr.138/2015, "Për garantimin e integritetit të personave që zgjidhen, emërohen ose ushtrojnë funksione publike" Komisioni Qendror i Zgjedhjeve është organi kompetent për administrimin, verifikimin, zbatimin e ndalimeve për zgjedhjen dhe emërimin për funksionet publike si dhe përpunimin për formularin e vetëdeklarimit për disa subjekte ndër të cilat është edhe "Kandidati për deputet".

Në zbatim të këtyre dispozitave, z. Arbër Idriz Arifaj, kandidat i propozuar për deputet nga Partia Lëvizja Socialiste për Integrim, qarku Kukës, ka depozituar pranë Komisionit Qendror të Zgjedhjeve, formularin e vetëdeklarimit me nr.365 unik.

Përpara miratimit të listave të kandidatëve për deputetë për subjektin zgjedhor Partia Lëvizja Socialiste për Integrim, në bazë të kompetencave të veta, KQZ bëri verifikimin "prima facie" dhe pasi konstatoi se kandidati nuk është në kushtet e ndalimit, ndërmoi hapat e mëposhtme:

- a. Komisioni Qendror i Zgjedhjeve, me shkresën nr.1823 prot, datë 09.03 2021, ka kërkuar informacion nga zyra e gjendjes gjyqësore, pranë Drejtorisë së Përgjithshme të Burgjeve, e cila nga ana e saj me shkresën nr. 2526/1, prot, datë 11.03.2021, informon Komisionin Qendror të Zgjedhjeve, se kandidati për Deputet z. Arbër Idriz Arifaj, rezulton se nuk është i dënuar me vendim penal të formës së prerë.
- b. Komisioni Qendror i Zgjedhjeve, me shkresën nr. 1825 prot, datë 09.03 2021, ka kërkuar informacion nga zyra e gjendjes civile, pranë Drejtorisë së Përgjithshme të Gjendjes Civile, e cila nga ana e saj me shkresën nr. 986/1 prot, datë 08.04.2021, informon Komisionin Qendror të Zgjedhjeve, se kandidati për Deputet z. Arbër Idriz Arifaj, rezulton të mos ketë ndryshuar përbërësit e gjendjes civile.

Pas verifikimeve të mësipërme Komisioneri Shtetëror i Zgjedhjeve me vendimin nr.147 datë 16.03.2021, vendosi: "Miratimin e listave shumëmemërore të Partisë Lëvizja Socialiste për integrim, për qarkun Kukës për zgjedhjet për Kuvend të datës 25 Prill 2021".

II.

Komisioni Qendror i Zgjedhjeve, në zbatim të ligjit nr.138/2015 "Për garantimin e integritetit të personave që zgjidhen, emërohen ose ushtrojnë funksione publike", verifikoi të dhënat në formularin e vetëdeklarimit të kandidatit për deputet z. Arbër Idriz Arifaj.

Nga verifikimi i të dhënave në formularin e vetëdeklarimit të z. Arbër Idriz Arifaj, rezulton se ka deklaruar:

- Në rubrikën III “TË DHËNA MBI GJËNDJEN GJYQËSORE TË PERSONIT”:

Pyetjes 7. “A është marrë për ju ndonjëherë masa e dëbimit nga një shtet i huaj? Subjekti vetëdeklarues është përgjigjur “ Po”duke deklaruar se:

“Është dëbuar nga Franca, në qershor të vitit 2015, si azilkërkues për mungesë dokumentacioni”.

Pyetjes 8, “A keni jetuar ndonjëherë jashtë territorit të Republikës së Shqipërisë për më shumë se 1 muaj?”, subjekti vetëdeklarues është përgjigjur “Po”duke deklaruar se:

Në periudhën gusht 2014 - qershor 2015, ka qëndruar në Bourg En Bresse, Francë, për arsye emigracioni.

Nga konstatimet e mësipërme dhe bazuar në nenin 8, pika 1, të ligjit nr. 138/2015 “Për garantimin e Integritetit të personave që zgjidhen, emërohen ose ushtrojnë funksione publike”, Kreu V, pika 2, shkronja “c”, të Vendimit të Kuvendit, nr. 17/2016 “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, Komisioni Qendror i Zgjedhjeve me shkresën nr. 2435 prot., datë 22.03.2021, vendosi t’ia kalojë rastin për verifikim të thelluar Prokurorisë së Përgjithshme, si institucioni kompetent që kryen verifikimin e plotë të deklarimeve të bëra.

Me shkresën nr. 511/61 prot., datë 30.01.2023, Drejtoria e Koordinimit Institucional, Sektori i Dekriminalizimit pranë Prokurorisë së Përgjithshme, ka dërguar në Komisionin Qendror të Zgjedhjeve, vendimin “Për miratimin e rezultatit të verifikimit për subjektin z. Arbër Idriz Arifaj, Prokuroria e Përgjithshme pas kryerjes së gjithë verifikimeve përkatëse, i konsideron këto të fundit të plota dhe të bazuara në nenin 8, pikat 1 dhe 2, të lidhura me nenin 5 të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike” si dhe në përcaktimet e pikës 3 shkronja “ç”, Kreu III dhe pikave 10, 11, 12 e 13 të Vendimit të Kuvendit nr. 17/2016, ka miratuar rezultatit të verifikimit të subjektit vetëdeklarues z. Arbër Idriz Arifaj, sipas të cilit konstatohet si më poshtë:

- Nuk rezulton të ketë gjenealite të tjera në përbërësit e gjendjes civile, përvec atyre të deklaruara në formular apo të ndryshme nga ato të deklaruara;
- Nuk rezulton të jetë i dënuar me vendim të formës së prerë nga ndonjë autoritet gjyqësor shqiptar, për kryerjen e ndonjë vepre penale;
- Nuk rezulton të jetë i dënuar me vendim gjyqësor jopërfundimtar nga një autoritet gjyqësor shqiptar, për një çështje penale të pazgjidhur me vendim gjyqësor të formës së prerë;
- Nuk rezulton të ketë qenë person nën hetim apo gjykim, nga një autoritet i vendit për kryerjen e një vepre penale;
- Nuk rezulton të ketë qenë i ndaluar apo arrestuar nga organet ligjzbatuese, për kryerjen e një vepre penale;
- Nuk rezulton të ketë qenë i siguruar ndonjëherë me masë shtrënguese të sigurisë personale;

- Nuk rezultojn të ketë indicie apo të dhëna a rrethana, fakte të bëra publike apo informacion, me qëllim verifikimi:
 - Për veprimtari kriminale të kryer jashtë territorit të Republikës së Shqipërisë;
 - Për qënien në hetim ose gjykim nga një autoritet i huaj;
 - Për urdhër kërkimi ndërkombëtar lidhur me kryerjen e ndonjë vepre penale prej tij;
 - Dëbime nga territori i ndonjë shteti të huaj, sipas kërkesave të shkronjës “b”, pika 2, të nënit 2 të ligjit nr.138/2015;
 - Përdorimin e të dhënave personale/ gjenealiteteve të tjera.

III.

Komisioneri Shtetëror i Zgjedhjeve, në përfundim të shqyrtimit të dokumentacionit dhe rezultatit të verifikimit të thelluar, të Prokurorit të Përgjithshëm konstaton se:

Ligji nr. 138/2015 dhe vendimi nr. 17/2016 i Kuvendit, përcaktojnë në mënyrë të qartë dhe të detajuar se subjektet kanë detyrimin ligjor të deklarojnë çdo informacion në lidhje me gjenealitetet e tyre aktuale e të mëparshme, rekordet kriminale brenda dhe jashtë territorit të Republikës së Shqipërisë (vendime dënimi përfundimtare ose jo, hetime penale jashtë territorit të Republikës së Shqipërisë, masa sigurimi personale, vendime dëbimi, ndalim arrestime, hetime, etj).

Z. Arbër Idriz Arifaj, kandidat i listës shumemërore të Partisë Lëvizja Socialiste për Integrim, në zgjedhjet për Kuvendin e Shqipërisë të datës 25 Prill 2021, qarku Kukës, nuk ka marrë mandatin e deputetit. Subjekti zgjedhor Partia Lëvizja Socialiste për Integrim, referuar neneve 162 dhe 163 të Kodit Zgjedhor nuk ka fituar asnjë mandat në qarkun Kukës. Në kushtet kur subjekti vetëdeklarues, kandidati i listës shumemërore të Partisë Lëvizja Socialiste për Integrim, nuk do të mund të përfitojë mandat në qarkun e Kukësit për këtë legjislaturë, Komisioneri nuk mund të shprehet me vendimmarrje për çështjen objekt shqyrtimi, për sa kohë ky subjekt nuk gëzon statusin e deputetit dhe në asnjë rast e për asnjë rrethanë nuk do të mund të marrë këtë funksion publik për të cilin është iniciuar procedura administrative e verifikimit të thelluar. Komisioneri mund të shprehet vetëm kur përmbushen kushtet ligjore të moskandidimit, moszgjedhshmërisë apo mbarimit të mandatit për rastet e parashikuara në ligjin 138/2015. Në rastin objekt shqyrtimi, në analizë dhe zbatim të neneve 10 dhe 11 të ligjit 138/2015, si dhe neneve 90 dhe 95 të ligjit 44/2015, “Kodi i Procedurave Administrative” vlerësohet se ka humbur objekti dhe qëllimi i procedurës administrative të filluar përpara ditës së zgjedhjeve.

PËR KËTO ARSYE:

Bazuar në nenet 19, pikat 1, shkronja “n” e 2 të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, nenet 90 dhe 95 të ligjit 44/2015 “Kodi i

Procedurave Administrative”, ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, pikat 12 dhe 13 të Kreut V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”

V E N D O S:

1. Deklarimin e procedurës administrative të përfunduar dhe pa vendim përfundimtar për subjektin vetëdeklarues z. Arbër Idriz Arifaj.
2. Ky vendim hyn në fuqi menjëherë dhe publikohet në faqen zyrtare të Komisionit Qendror të Zgjedhjeve.
3. Kundër këtij vendimi mund të bëhet ankim në Komisionin e Ankimimeve dhe Sanksioneve, brenda 3 (tre) ditëve nga shpallja e tij.

Komisioneri Shtetëror i Zgjedhjeve

Ilirjan CELIBASHI